

worde, dat were in bomgarden, wingarden, hōven, up synem ackere, edir deme andirn syne thūne edir blangken tobreke unde darmede edir darumme worde vorgebracht, de solde unsir gnedigen herschap unde deme rade mit viff schillingen verfallen sin unde deme jennen, deme de schade gedan were, ok mit V schillingen, unde solde hirenboven noch tome schaden antwerden edir sek des mit synem eyde entledigen, wanne he darumme beclaget edir angelanget worde.

Ok ensullen neyne herde, schapere edir sweyne ¹⁾ up den agker driven noch frawen, megede edir kindere dar uppe lesen, dewile me bindet unde de fruchte dar uppe liit. We dat darenboven deide, solde unsir gnedigen herschap unde der stad mit X schillingen verfallen sin.

Ock ^{a)} ensal neymant sin vee, schape, kelvere, czegen, esele, perde edder andir quegk up den Dantzwerder driven edder gan laten. We dat hirenboven dede unde des besecht worde, solde unser gnedigen herschap unde deme rade V β to broke geven edder sek des entledigen.

[V.] Bohn- und Dienstregelung.

Vorder so is de rad overkomen, welk borger edir medewoner deme anderen umme dachlon to arbeydende tosecht unde utebliff edir des nicht enheldet, wert he darumme beclaget, he sal unsir gnedigen herschap unde rade viff β geven edir sek des entledigen.

Sechte aver we eynem to to arnende edir to darschende unde nicht helde, worde he des beclaget, he solde mit eynem punde verfallen sin edir sek des mit synem eyde entledigen.

^{a)} Fol. 9'. Dieser Punkt gleichzeitig nachgetragen. Am Rande dazu bemerkt: Dubium.

¹⁾ Schweinehirten.